

Broj: 04-2-61/25

Datum: 20. 01. 2025 god.

UNIVERZITET U SARAJEVU
FAKULTET ZDRAVSTVENIH STUDIJA
SARAJEVO

Adresa: Stjepana Tomića 1.
Sarajevo, 20.01.2025. godine

Na osnovu člana 111. i 236. Statuta Univerziteta u Sarajevu (01-14-35-1/23), a u vezi s članom 123. Zakona o visokom obrazovanju („Službene novine Kantona Sarajevo“ broj 36/22), te Uputama o realizaciji izbora u isto ili više zvanje na Univerzitetu u Sarajevu u skladu sa uslovima propisanim ranijim Zakonom (01-15-29/23) Vijeće Univerziteta u Sarajevu – Fakultet zdravstvenih studija na 22. vanrednoj sjednici održanoj 31.12.2024. godine elektronskim putem je donijelo Odluku broj 04-1-2986/24 o imenovanju Komisije za izbor nastavnika u zvanju vanrednog profesora za naučnu oblast „Zaštita i njega individualnog zdravlja“ po Konkursu objavljenom 12.12.2024. godine u dnevnom listu „Dnevni avaz“, na web stranici Univerziteta u Sarajevu, Univerziteta u Sarajevu-Fakulteta zdravstvenih studija, te JU Služba za zapošljavanje Kantona Sarajevo u sljedećem sastavu:

1. **Dr. sc. Vedran Đido** – predsjednik, vanredni profesor za naučne oblasti „Zaštita i njega individualnog zdravlja“ i „Opšti zdravstveni predmeti“ Univerziteta u Sarajevu – Fakulteta zdravstvenih studija.
2. **Dr. sc. Jasmina Mahmutović** – član, redovni profesor za naučne oblasti „Zaštita i njega individualnog zdravlja“ i „Zaštita i njega zdravlja porodice“ Univerziteta u Sarajevu – Fakulteta zdravstvenih studija.
3. **Dr. sc. Amer Ovčina** – član, vanredni profesor za naučne oblasti Zaštita i njega individualnog zdravlja“ i „Zaštita i njega zdravlja zajednice“ Univerziteta u Sarajevu – Fakulteta zdravstvenih studija.

Konkurs je raspisan za **jednog nastavnika u zvanje vanrednog profesora (bez zasnivanja radnog odnosa)**.

Na konkurs se prijavio: **Dr. sc. Mohammad Abou El-Ardat**

za izbor u zvanje **VANREDNOG PROFESORA**, i Komisija podnosi sljedeći izvještaj:

IZVJEŠTAJ

za kandidata **Dr. sc. Mohammad Abou El-Ardat**

1. Biografski podaci

Mohammad Abou El-Ardat rođen je 12.02.1961. godine u Libanu. Specijalista je ginekologije i akušerstva, subspecijalista fetalne medicine i opstetricije s bogatim iskustvom u kliničkom radu, obrazovanju i istraživanjima. Obrazovanje je započeo u Libanu, gdje je završio osnovnu i srednju školu na Elmakasid. Nakon toga, preselio se u Bosnu i Hercegovinu gdje je završio Medicinski fakultet Univerziteta u Sarajevu, stekavši zvanje doktora medicine. Nakon završetka osnovnih studija, specijalizirao je ginekologiju i akušerstvo na Klinici za ginekologiju i akušerstvo Kliničkog centra Univerziteta Sarajevo, gdje je stekao zvanje specijaliste ginekologije i akušerstva 1998. godine. Njegova posvećenost i stručnost u oblasti ginekologije brzo su prepoznate, te je

2011. godine obranio magistarski rad na temu "Bakterijska vaginoza kao etiološki faktor prijetecog prijevremenog poroda". Iste godine, postao je i primarijus u Kliničkom centru Univerziteta Sarajevo. Dr. sc. Mohammad Abou El-Ardat je 2015. godine specijalizovao fetalnu medicinu i opstetriciju, a 2021. godine obranio doktorsku disertaciju pod nazivom "Evaluacija efikasnosti umbilikalne venske aplikacije različitih terapijskih doza karboprosta i oksitocina u tretmanu zaostale posteljice sa aspekta hirurških i nehirurških riziko faktora", na Medicinskom fakultetu Univerziteta u Sarajevu. Iste godine stekao je zvanje docenta na Univerzitetu u Sarajevu - Fakultetu zdravstvenih studija. Trenutno je predavač na predmetu ginekologija i akušerstvo na Medicinskom fakultetu Univerziteta Sarajevo i glavni mentor za specijalizante ginekologije i akušerstva u Kliničkom centru Univerziteta Sarajevo. Kroz svoju karijeru obnašao je mnoge rukovodeće funkcije, uključujući šefa Odjeljenja porođajne sale, šefa Klinike za porodiljstvo, te direktora Discipline za ginekologiju i porodiljstvo u Kliničkom centru Univerziteta Sarajevo. Osim toga, bio je delegat Federalne komore za zdravstvo i stručno medicinsko udruženje, te koordinator klinike GAK za kvalitet AKAZ. Ističe se i svojim naučnim radom. Autor je i koautor 47 radova objavljenih u biomedicinskim časopisima. Također, autor je recenziranog knjige "Priručnik za trudnice i buduće majke" koja je objavljena 2023. godine. Aktivno je sudjelovao u međunarodnim projektima i kongresima, među kojima se izdvaja projekt "Prenatalna izloženost respiratornim virusnim infekcijama, uključujući SARS-CoV-2, i antioksidativna zaštita kod nedonoščadi". Također, sudjelovao je na brojnim stručnim seminarima i kongresima, kao što su Zbornik radova II ginekološko-perinatološki bosnako-austrijski simpozij, Telemedicina - medicina budućnosti, te međunarodni kongresi i seminari iz oblasti ginekologije, perinatologije i fetalne medicine. Bio je mentor i član komisije za više od 20 diplomskih i magistarskih radova, a njegov rad u medicinskoj edukaciji i istraživačkom radu ostavlja dubok trag. Posvećen je daljnjem unapređenju kvaliteta zdravstvene zaštite, te je aktivno uključen u obrazovne i naučne inicijative, kako na domaćem tako i na međunarodnom nivou. Njegovo stručno znanje i angažman na mnogim poljima medicine, te doprinos u obrazovanju i istraživanjima, čine ga jednim od vodećih stručnjaka u oblasti ginekologije i opstetricije u Bosni i Hercegovini.

2. Objavljeni naučni radovi, publikacije, projekti, nove procedure/metode, mentorstva kandidata za period nakon izbora u zvanje docenta

2.1 Naučni radovi objavljeni u časopisima koji su indeksirani u relevantnim bazama podataka

- Lačević-Mulahasanović L, **El-Ardat AM**, Dizdarević Ajović A, Rakočević Slimović M, Suljić A, Murtezić S, Ibišević N, Hasanbegović I, Ajanović Z, Sarač-Hadžihalilović A, Dervišević L. Syringocystadenoma papiliferum vulvae: Tumor with very rare localization on the vulva. *Int J Adv Res Stud.* 2024;4(6):118-120.
- **Abou El-Ardat M**, Izetbegović S. Maternal cigarette smoking associated with decreased rate of placenta expulsion in the study of the efficacy of intra-umbilical vein administration of carboprost versus oxytocin in the management of retained placenta. *Med Žurnal.* 2023;29(2):63-67.
- **Abou El-Ardat M**, Izetbegović S. Women's reasons for artificial abortion. *Med Žurnal.* 2023;29(1):7-11.
- **Abou El-Ardat M**, Izetbegović S, Tomić V. The efficacy of intra-umbilical vein administration of carboprost versus oxytocin in the management of retained placenta: surgical and non-surgical risk factors. *Med Žurnal.* 2022;28(1-2):7-12.

- **Abou El-Ardat M**, Izetbegović S, Lačević L. Epilepsy and pregnancy: clinical characteristics and outcomes. Med Žurnal. 2022;28(3-4):61-65.
- **Abou El-Ardat M**. Preeclampsia: case report. Int J Biomed Healthc. 2022;10(4):263-266.
- **Abou El-Ardat M**, Izetbegović S. Hypotensive effect of intra-umbilical vein administration of oxytocin in the management of retained placenta. Med Žurnal. 2021;27(3-4):53-58.
- Šečić-Selimović S, Papić E, Katica A, **Abou El Ardat M**, Obradović Z. Knowledge, attitudes and practices of rural and suburban areas about brucellosis in Central Bosnia, JHSCI, 2024;14(3):129-137.

2.2 Recenzirana knjiga

- **Abou El-Ardat M**, Izetbegović S. Priručnik za trudnice i buduće majke. Sarajevo: Klinički centar Univerziteta u Sarajevu, Disciplina za nauku i nastavu; 2023.

2.3 Istraživački projekti

Od zadnjeg izbora u zvanje kandidat je učestvovao u tri projekta:

- 2024. godine internacionalni projekat pod nazivom „Prenatalna izloženost respiratornim virusnim infekcijama uključujući SARS-CoV-2 i antioksidativna zaštita kod nedonoščadi: uvid iz genetske perspektive“ u organizaciji Klinike za ginekologiju i porodiljstvo, i Pedijatrijske klinike KCUS. Uloga u projektu: učesnik.
- 2023. godine projekat pod nazivom „Projekt pružanja psihološke medicinske pomoći djeci bez roditelja u Tuzlanskom kantonu“ u organizaciji Udruženja „Most povjerenja“ Uloga u projektu: vođa projekta.
- 2022. godine projekat pod nazivom „Projekt terenskih posjeta djece bez roditelja kako bi se upoznali sa njihovim životnim uslovima i proučavali njihove zdravstvene uslove u Kantonu Sarajevo“ u organizaciji Udruženja „Most povjerenja“. Uloga u projektu: vođa projekta.

2.4 Nova dijagnostička i terapijska procedura/metoda

- Uvođenje nove dijagnostičke i terapijske procedure/metode na Klinici za ginekologiju i akušerstvo Kliničkog centra Univerziteta u Sarajevu pod nazivom Umbilikalna venska aplikacija kod zaostale posteljice. Zaključak: Članovi Naučnog vijeća jednoglasno daju suglasnost za pokretanje procedure/metode na Klinici za ginekologiju i akušerstvo KCUS nakon prezentacije metode Doc. dr. Mohammad Abou El-Ardata i prednosti u kliničkoj primjeni (Klinički centar Univerziteta u Sarajevu, Disciplina za nauku i nastavu, Organizaciona jedinica za nauku, nastavu i klinička ispitivanja broj 51-04-5-45666/24 od 23.12.2024. godine).

2.5 Mentorstva

Kandidat je bio angažovan u svojstvu mentora pri izradi i uspješnoj odbrani završnog rada integrisanog ciklusa studija na Univerzitetu u Sarajevu – Medicinskom fakultetu za sljedeće kandidate:

- Nurudin Galijašević – Analiza uzoraka infertiliteta kod bračnih parova u Kantonu Sarajevo
- Esma Zorlak – Uticaj infekcije COVID-19 na trudnoću i dojenje
- Lejla El-Mallahy - Uticaj cigareta, alkohola i opojnih sredstava na porođaj i težinu bebe na Ginekološko-akušerskoj klinici KCUS (studij medicine na engleskom jeziku).

3. Nastavno - pedagoški rad

Na Univerzitetu u Sarajevu – Fakultetu zdravstvenih studija od 2021. učestvuje u organizaciji i izvođenju nastave samostalno i u kolaboraciji s drugim nastavnicima i saradnicima kao izabrani nastavnik na naučnu oblast „Zaštita i njega individualnog zdravlja“ za studijski program Babičarstvo/primaljstvo, te organizira vježbe na Klinici za ginekologiju i akušerstvo Kliničkog centra Univerziteta u Sarajevu kao direktor discipline za ginekologiju i akušerstvo. Trenutno je i predavač na predmetu Ginekologija i akušerstvo na Univerzitetu u Sarajevu – Medicinskom fakultetu i glavni mentor za specijalizante ginekologije i akušerstva u Kliničkom centru Univerziteta Sarajevo. Kroz svoju karijeru obnašao je mnoge rukovodeće funkcije, uključujući šefa Odjela porođajne sale, šefa Klinike za porodiljstvo te direktora Discipline za ginekologiju i porodiljstvo u Kliničkom centru Univerziteta u Sarajevu. Osim toga, bio je delegat Federalne komore za zdravstvo i stručnog medicinskog udruženja, kao i koordinator Klinike GAK za kvalitet pri AKAZ-u. Sve navedeno svjedoči o njegovom dugotrajnome angažmanu u nastavno-pedagoškom radu, te edukacijama, kako profesionalnim, tako i populacijskim.

PRIJEDLOG S OBRAZLOŽENJEM

Na konkurs objavljen u dnevnom listu „Dnevni avaz“, na web stranici Univerziteta u Sarajevu, Univerziteta u Sarajevu-Fakulteta zdravstvenih studija, te JU Služba za zapošljavanje Kantona Sarajevo od 12.12.2024. godine za izbor u zvanje **vanrednog profesora** za naučnu oblast „**Zaštita i njega individualnog zdravlja**“ prijavio se jedan kandidat, **Dr. sc. Mohammad Abou El-Ardat**. Na osnovu uvida u dokumentaciju dostavljenu od strane kandidata i stručnih službi Fakulteta, komisija je konstatovala da je Dr. sc. Mohammad Abou El-Ardat tokom svog dugogodišnjeg profesionalnog i naučnog djelovanja kao autor objavio potreban broj naučnih radova koji su indeksirani u relevantnim međunarodnim bazama. Od izbora u zvanje docenta 2021. godine ima objavljenih 8 naučnih radova, te autorstvo u jednom recenziranom priručniku. Kandidat je učestvovao u tri naučnoistraživačka i edukacijska projekta od kojih su dva domaća i jedan međunarodni. Bio je angažovan u svojstvu mentora pri izradi i odbrani Završnog rada integrisanog ciklusa studija na Univerzitetu u Sarajevu – Medicinskom fakultetu za tri kandidata za koje je i uspješno okončao proces mentorstva. Izvjestilac je za uvođenje nove dijagnostičke i terapijske procedure/metode na Klinici za ginekologiju i akušerstvo Kliničkog centra Univerziteta u Sarajevu. Zaposlenik je i direktor discipline za ginekologiju i akušerstvo Kliničkog centra Univerziteta u Sarajevu kao nastavnoj bazi Univerziteta u Sarajevu-Fakulteta zdravstvenih studija. U skladu s Uputama o realizaciji izbora u isto ili više zvanje na Univerzitetu u Sarajevu, a prema uvjetima propisanim ranijim Zakonom broj 01-15-29/23 od 27.09.2023. godine, člana V stava (1) kandidat je ostvario uslove za prijevremeni izbor u više akademsko zvanje.

Na osnovu uvida u dostavljenu dokumentaciju, odredaba Zakona o visokom obrazovanju Kantona Sarajevo i Statuta Univerziteta u Sarajevu, te na osnovu poznavanja angažmana i rada kandidata, Komisija jednoglasno zaključuje da **Dr sc. Mohammad Abou El-Ardat** ispunjava uslove za izbor u zvanje **VANREDNOG PROFESORA** za naučnu oblast „Zaštita i njega individualnog zdravlja“ na Univerzitetu u Sarajevu – Fakultetu zdravstvenih studija.

Članovi komisije:

1. Prof. dr. sc. Vedran Đido, predsjednik

2. Prof. dr. sc. Jasmina Mahmutović, član

3. Prof. dr. sc. Amer Ovčina, član
